



養素堂文集卷七

記一

汪寫園明府初建雙流蠶叢祠記

耆儒多溝猶諛之竹郎三節沙壺九隆則色然駭儻告以望獲頎羸岳鏗糲首益贖贖然矢言其必矣烏謨夫草榮木替歲有萬齡役風襲氣紀爲九頭者式觀人皇御世蠶叢氏治瞿上縱目繇秣爲魚鳧柏濩之先蠶事於此始或謂黃帝軒裳爨祖造端未核也西陵勸蠶稼親蠶筆興淮南王蠶經可校非苑窳之說矣齊永明初蕭鑑刺益州治養素堂文集卷七

園江南遂戶冢得金蠶十餘萬有篆曰蠶叢氏之墓詎不信與諸葛相季漢掘其啓國之碑有文言歲時豐儉兵革水火事後范長生能譯之是其神靈讐奕烏衣被普蒸萌滉鬱焉胥蠻焉誰曰非禮顧其禩久劉席顏未立得無食其惠而忘其報耶汪君撫邑之四稔字良芟蠱民氣大蘇乃揆日兆地建祠朝陽寺之東負山枕谿風煙秀麗矧工於癸酉且月至臺月覺鐘焉殿宇拱張廡廊翼直弗微岷貲弗費眾力嗟乎夙沙煮海享重鹽宗侯罔製文禮虔墨容明府絜不繭絲深惟壤壤之利政先杼柚滌乃儻儻之原千載曠典一朝精禋可謂練治體矣異日者盤古祠前



八熟獻瑞阿育埵畔五色蜚蛾是真青衣之靈貺無負白
粥之泛膏也爰爲之記以詔來茲

重脩大足縣濠相樓記

濠相者誰諸葛忠菴侯也侯之功在相濠故不曰蜀而曰
濠也余不解世之何以輕詆之也謂身杖彊兵狼顧虎視
者李邈也謂抗衡上國如宋襄求霸者常璩也謂守窮儻
號與趙佗爲偶者崔浩也謂應變將畧非所長者陳壽也
謂才薄不宏者薛能也謂才有餘而識不足者呂溫也謂
不忠于濠比諸劉盆子者俞文豹也謂偏據一方如公孫
述者葉龍泉也謂學雜申韓不純王道者朱熹也然當日

養素堂文集

卷七

二

謂賞罰得宜賢愚僉忘其身者張裔也謂與眾無忌錄功
忘瑕者呂凱也謂爲天下奇才者司馬懿也謂善爲國者
賈詡也謂爲古之遺愛如周之召公者袁宏也謂能用刑
自秦濠以來未有而信義過于周瑜魯肅者習鑿齒也謂
如子產之治鄭優于司馬懿者張儼也謂宏謨雅規與伊
呂同儔者張輔也謂權智英畧有踰管晏者郭沖也謂達
治知變正而有謀者傅彖也謂其訓厲合周孔之教者李
暉也謂禮樂可興者王通也謂精義入神自誠而明者裴
度也然而侯之自許則管仲樂毅也崔州平徐元直亦以
爲信然也是乃侯之謙志也而李翰則以爲優于管仲而

不及樂毅則不得謂之知言也今余之省其貌而祀饗者
震其才尤敬其忠也時則嘉慶之二十三年八月也作記
者誰署邑令老威張澍也

謁王陽明先生祠記

澍嘗誦先生何陋軒記之言矣曰愛憎面背變亂白黝浚
窵窮黜外良而中罄諸夏蓋不免焉雖彬郁其容宋甫魯
掖折旋矩矱猶之陋也夸之人迺不能此其好言惡詈直
情率遂則有矣世徒以文詞物采之渺而陋之殊不知也
嗟夫先生之論不獨洞物情直示人以樸令各返其渾穆
之天而狡慝譎詐之不作庶典章禮樂宮室軒裳可埒之

養素堂文集

卷七

三

以行不然是無軌輓之車也又以夸之崇巫事鬼瀆禮任
情不中不節期望於來者之移風易俗是直以天下無不
可化之人以夸之昭質未虧因其機而利導之則爲功易
而爲效亦速何今數百季間醜風潛煽醇源浸竭變更若
此其甚豈降衷之不恒乎夫固有以教之也誠使爲司牧
者倣古歛射讀灋而教之以父子兄弟夫婦朋友之經以
戢其椎魯囂悍睚眦之習俾各安於刀耕火耨無飢渴死
傷之嗟因示之以典章禮樂宮室軒裳之樂漸改其椎鬚
卉服鳩音獸息之敝夸雖蚩蚩吾知其從之也如冬日之
陽夏日之陰不召而赴也乃有司者罔知幅利競爲貪黷

且以夸之蚩蚩也而誅求之過甚夸之人以爲是不足父母我也規避之心浸假而爲侮慢侮慢之心浸假而爲狡詐竝其本然樸塞之陋而亦失之是士大夫無廉耻而望天下有風俗不可得已今者顧瞻庸貌道範斯在念先生尚不敢任化理之責余小子痛俗之不競教化闕如用是奮用是懇矣

重修狄道楊忠愍公祠記

夫洪濤稽天而金石不轉繁霜被野而松柏獨榮豈非質厚者難遷而節堅者不改與師尚父曰忠臣無二心鬻熊曰君子能必忠而不能必入趙孟曰臨患不忘國忠也肥

養素堂文集

卷七

四

義曰難至而節見忠臣也蓋獻可替否夙夜在公殺身成仁不畏疆禦芳徽歷久聞者興焉當明之世廟淵默修元委政端揆逆嵩父子盜執太阿俶擾國是威福專擅紀綱滌蕩戎馬在郊聲名之士雩廡之臣咸洪忍依違承頤氣使宗社之事有同秦越頌莽稱曹惟恐在後先生義憤雲涌首擊大憝聲討十罪擿發五姦俾阿順雷開專利榮存顯然白著摩得隱匿詎非烈丈夫哉然先生特一部郎耳任匪鈞衡職匪諫諍貴戚無援信任無素屬在疏邊抱國隱憂白簡生霜神叢基固勢之敵概可知已先生一無顧慮上叫天闢糾正奸邪議論鯁切不求名譽不避仇怨

抑何壯與夫驚弓之翼聞弦實顛脫餌之鱗觸藻潛伏翻
然之計繫誰不知當仇鸞憑權馬市主議萬口皆喑縮項
頰首先生力排羣說昌言不可致令魚然瀕死五木竅逐
荒遐流離辛苦歲月遞嬗始還郎署脫令他人處此必且
全軀保位與時浮沈前轍鑒戒後患必懲毀方瓦合棄蓼
集菀甚則感荷私恩以圖報復國計安危罔養弗尚先生
瘡痍未復正色敢言借劍批鱗攻其難去忘家殉國視死
如歸吁可悲已設使先生稍就委蛇通顯立致卽括囊屏
息循職自守亦可坐貌榮名無傷詭隨而乃疾惡如風比
於鷹鷂白刃可蹈丹心如見方之比于剖竅萇弘化血斯

養素堂文集

卷七

五

爲酷矣可不謂忠乎吾聞墨陽百鍊不挫鋒芒荆玉七燒
彌著瑩潤先生夙邁閔凶艱難備嘗性真不滑視險如夸
加以讀書學理實求經濟故能語熟邊情燭照奸慝從容
就義非同意氣也狄道舊爲先生謫所而超然書院又講
學之地也舊有祠祀季遠淪虜邑人重修爰摭鄙文以志
景仰系之銘曰

謂公賈狂曾臥冰霜謂公懷刑乃撼雷霆擊斯黃鐘堂上
大舜賸彼白雲泰岱千仞椒山有膽何必蚍蛇青衣奉丸
竟起杖痲我思先生涕淚芄蘭道統祠畔風悲日寒

代重修楊忠愍公祠並新設義學碑記

保陽省垣之有旌忠祠舊矣乾隆三十五年周燮堂制府
爲方伯時重修之營大房室賃租作費建設碑亭栽植樹
木而又朔望謁香以昭虔祀誠盛舉也余莅任後見其積
退急謀脩飾同寮助金襄事設義學於其中以培人才惟
公鬱抱孤忠馬市議開力排羣說瀕死五木竅逐遐荒纔
返郎署首擊大憝五姦十罪借劍批鱗卒遭不幸嗚呼慘
已當其在狄道時流離造次猶大超然書院與士子講藝
人文以興今於公之祠大義學亦所以體公之志也梓垣
告竣爰述緣起著之石以垂焉奕灶附規條於後

吳城葉氏忠義節烈祠記

代陸心蘭方伯

養素堂文集

卷七

六

問乾坤何以不壞曰有正氣幹之問彝倫何以常存曰有
正氣維之莫或幹之莫或維之則乾坤其息彝倫其斃然
而忠臣義士烈女節婦常相續於宇宙史不絕書則以正
氣流行舍英淳耀震恒精靈輪困勃發有莫知其所由然
者也吳城葉君立笙爲余已未禮闈同季令滇之宦遠有
循聲投簪返里其弟孝廉之筠需次直隸邑宰君遠道寓
書以家刻忠義節烈誌見示且句爲祠廟之文余終讀之
竊嘆葉氏之忠義節烈爲不可及而益信正氣之苟薄鬱
積久而必伸也當堯宗時盤游佚樂國事机捏宸濠蓄謀
覬覦神器一時厚祿大臣黨逆潛通規冀非分罔養無恥

而景思以編戶之氓無捍圉之職特以俠烈著聞長於彈擊乃羅致之不可脅降之不屈填尸牢狴論者痛之旣而連檣東下泊譚家灣其弟景允率三百人伏隘奮擊所殺過當濠軍大亂卒以勢孤被矢而死其族血戰益力三十六人胥就戮焉濠憤甚遣黨焚劫其家婦人或焚或縊舍命不渝九姑弱女子耳亦能達變實軀塘水死者共四十九人嗚乎慘已時都御史王公守仁旣以一家忠義旌其廬距今三百餘季歲在嘉慶之己巳寶應劉君台斗攝吳城丞亦余同季也按討遺事請於大吏爲之建祠有司歲時爰薦明禋可謂盛舉矣方景恩之被招不辱也蓋灼知

養素堂文集

卷七

七

夫君臣之大義必不可以從賊而不惜以身殉若景允等之結族潛攻亦祇知雪憤報讎初不慮及被斃之酷烈而諸婦女之毅然就死旣知夫君之屠戮亦復何心人世故相率駢屍於一堂此豈有沽名市譽之心存於其間哉儻使百世而下垆冢淪禰尋訪父老姓氏莫詳吾知英魂毅魄必不隨荒煙蔓草以俱堙而卒之幽光白著大節歲寒奕烏肸鬯放悲靈來豈非正氣之不可磨滅歷久而彌昭乎吾聞干將埋獄光射斗牛隨珠沈淵采飛崎岸然則葉氏之一門赴義力捍凶暴視死如歸計不反顧其正氣之所萃聚與宜其今之科第蟬嫣簪纓相繼寔昌寔熾而未

有艾也於是乎書

代重修名臣祠碑記

大凡日星光氣河岳英靈淳耀積精輪囷盤礴則必篤生
偉人榮當時而昭後世况秦中土厚水深風樸俗茂往古
先賢溢於縹緗者或豐功駿烈柱石朝廷或調德穆行若
式商邨其尸而祝之社而稷之也固宜卽簪仕是邦或龕
暴宇良澤能蘇槁或徇名遂志節足砥頑詎不當漚而鬱
之肸而鬻之乎咸寧縣治舊有名臣祠建置始末蓋自勝
朝

國初某學使重爲葺理至今歲月塵邈敗瓦積垣僅餘梁

養素堂文集

卷七

八

棟邑薦紳等畫然傷之以志書局贏金僉議修之費不足
則晁氏凝福仞之越數月而工竣猗禱哉殿宇登閣廊廡
整飾丹雘絢如門徑闢如信足以妥神靈而致禋祀矣且
各木主旣書其諱字復詳其籍貫俾入祠者畧知稷概翹
首聳肅敬之容撫心奮思齊之志豈非盛舉哉余承乏守
西安目覩其成深嘉與諸君子之好善而不能釋也於是
記之以示久遠其修理紳士例得附綴於末

游東山記

出玉屏東門循山麓而行石磴盤曲路才容軌牛叩馬搏
視此郁夸方里許延緣於田畔時新雨初霽畦水漲汎秧

苗抽鍼平綠如罽毼犬亂吠殊足喜人再進則一徑雲深
層松攢柏列若夾道叢柯隱景交蔭修篁清籟鳴條山壑
奮響雅可游目憑衿悟衷散賞山之右爲寺正殿倚巖結
構雖未宏麗而真容巨壯亦稱雄剎兩廂有樓可眺遠下
則游人憩息之所秀穿小徑蒔莠雜花有洋繡毬二株爛
如雲錦薄午鬱蒸予倦甚沈睡多時起呼醜則積陽已栖
岫矣出山門振輿延風神志爲豁牛下遠邨炊煙在樹歸
飛之鳥千翼競來俯瞰大江回縈如帶視往來征帆不啻
鳧雁也

重游東山記

養素堂文集

卷七

九

今夏三月杪余曾策杖來游茲以巡稼之隙復問塗焉時
金風初扇而餘暑猶勺藥乃於林際跌坐散髮跣足松濤
竹響清若琴笙舉頭一笑宛暘都消俄王尉問予游亦來
相與踞盤陀翫霍靡聽鳴禽之上下俯視遠水空明皓同
積雪印瞻白雪翹然天外容裔自如而蓮峯北聳疊椒重
嶽刻露清秀恍覺舊游無幾而風景頓殊猶然塵鞅儼山
靈騰笑我也乃朗喏曰青林倦鳥語絲蠻似說白雲返故
山日月幾何風景換鏡中疑我尚朱顏蓋予是時有退志
矣遂循憇逕至寺後見頤木森莽圍繞沈池激渟鏡澈浮
萍含綠微颯亾拂漪漣生文蓄金魚二三百尾曦景斜注

則相聚响風蔞爲戲又或衝藻徑去游閒遠放若避世上
然低徊者久之乃與王尉聯騎歸回視嶮嶮如攢圖之托
霄上矣

游紫氣山記

昔柳柳州之記遊也曰奧曰曠竊謂此兩言者不獨鑿山
之景兼得山之理焉黔固山國也而玉屏之西境喻黎平
與粵爲鄰連峯複嶺彌望不絕然或則魁父無丈之材或
則單椒無曲之巒求所謂奧如曠如者不可多得今夏伏
日埃鬱衙齋潮潔赫曦逼人王尉露謂城西隅紫氣山雅
宜游暑遂觸熱往未半里見陂陀回互岡巒起伏雜花叢

養素堂文集

卷七

十

於層后古柏蔭於疊崖涼颺徐來煩袪頓滌實仙靈之館
也爾其清谿環鳴瑟雞叶韻苻藻漾潔游甲浮空樹入林
前橫簾殿路山來鏡裏鳴鳥依人予亦不自知其何以目
不周翫情不給賞也嗟夫兮圃銅柱君山玉臺姑射尋仙
空桐訪道誠栖霞之逸志或齒屐之寓言孰若此山境鄰
城市不染鬻氛楹不待達日自隱難田鋤芝而烏髻泉挂
鶴而煙霏哉假令子厚來此必悔其以嘉名錫彼穢區也

游萬卷書巖記

水經注云積石河北有層山山甚靈秀縣巖多石室室中
有積卷而世士罕有津逮者謂之積書巖巖堂之內時有

神人遑還荅陵記云天門山巖中有書數千卷見而不可
取伏滔北征記云皇天場古陶穴藏書二千餘卷異苑云
百丈山中有石房內有石案置書二卷荊州記云小酉山
石穴中有書千卷相傳秦人於此學畱之故梁湘東王云
訪酉陽之逸典也余載念前言每思御飄輪而上尋琅嬛
福地培守門之犬讀玉京紫微金真七映六戊丹書紫字
諸秘籍而遇啻緣慳未之或覩又念乏壯荅之方聞慚安
世之善記卽有玉版奇文瑤壇怪牒亦嘗視苾芻矣夫羽
陵蝨簡牧德靈符羣玉爲庸成之策府宛委有高密之元
經是名山者固儲書之石室貯典之蓬觀也玉屏邑東一
養素堂文集

卷七

十一

里高峯峭壁疊石千層儼若牙籤萬軸橫亘江左則萬卷
書巖也余旣不得讀中秘書而來此何敢薄民社爲麤官
但一行仵吏此事遂廢每當敲撲犯慮牒訴袞懷之時登
臨舒嘯坐擁萬卷不啻南面百城而塵容俗狀俱爲之一
洗是亦嚮宦之至樂也

游飛雲巖記

天官家言周雲如輪魯雲如馬衛雲如犬秦雲如行人齊

一作

雲如絳衣宋雲如車趙雲如牛楚雲如日韓雲如布

魏雲如鼠越雲如龍蜀雲如車而不聞黔之雲爲何狀余
來黔見毒箐灌莽嵐溼之所蒸鬱爲蠻雲類符陽之怪氣

無所謂花葩亂縵錦繡縹緲縣粵曜藻慶禱細縵者乃至
黃平游月潭寺顧瞻巖石則爽然失愕然驚且憲憲然目
不周覽也則見奇執爾詭不可名狀或巖廩而彭薄或輪
困而屈髻或遼巢而翦鬱或逆豎而倒縣或龍壇而虎辰
或鵬奮而鳳軒或蛟騰而鵠逸或獅厲而象羶或纛引而
旗導或纓綴而帶翩或乳垂而煙結或浪擁而濤漩而且
高者巖曰下者回嵐巨者勺谷空者隱潭皺者膚蹙漏者
竅舍瘞者骨削薄者殼多墜者星落簇者毛甍立者如睪
欵者如嬉蹲者如怒斲者如虧竊嘆曰此巖之石何其譎
也何其似雲之欲飛去也雖然造化之工之奇能以黔之
養素堂文集 卷七 三

飛雲之奇也夫

梵淨山記

黔之郡凡十三而山接蠶叢江通雲夢扼百蠻之要害者
以銅仁爲最銅仁之山凡數十而巖谷幽異峯巒階別灶
三江也江宙羅之形執者以梵淨山爲尤玉屏與銅密邇
余恨局於墨綬不得逞一問辟支佛之遺蹤然數數輒聞
其奇默想其景髮髯其境界不啻目擊之也聞絕巔有寺

風厲不可瓦冶以鐵疑蜚廉爲之歛炭屏翳爲之鼓爐也
寺側有崇臺三曰拜佛曰說法曰煉丹疑鴻衣羽裳練精
餌食之夫所宅也有井曰宦心水寒沁肌骨清鑿毛髮疑
飲之者可洗躁進之懷也山後有池曰九龍池皎焉沖照
淨無斥草疑有翠鳥銜其淪蘊也登之者先由金刀峽而
上峽之高千仞中如斧劃隔五六尺許有飛橋相接疑巨
靈之所開鑿也左右皆立梵宇廣濶可容數千人陟者攀
繩上下若蹈空而行疑上落雁峯千尺之幢也至其椒千
里風煙可一覽而盡疑登岱宗曰觀可小天下也然周圍
僅四丈突兀隄絕疑猿狖喪其捷巧麗族謝其輕工也又
養素堂文集

卷七

七

有香爐峯懸絮巖藏經巖羅列競秀下有九十九谿紆折
環繞疑匡廬峯巨之勝天台雁蕩之奇亾以逾也余於黔
之錦巖珠壑秘洞靈淵亦幾遍踏矣疑此山不獨銅仁之
壯觀且爲全黔之勝概也何必泛螺舟而渡海乘毛車以
翔風登擘搖頽羝于大荒探菰次錢來于秦遠然後詫語
殊靈茱標怪秀以爲異乎

飛鳳山記

昔向長欲男女婚嫁畢裹糧游五岳是其勝賞神鄉秀情
超拔矣余疇昔亦心栖白雲邈想霞踪今遠宦來黔始入
界所遇巖巒殊無慰羈望者舊說天下山半在黔中青疑

昔人譎詞也泉抵任眠事稍暇凡境內山川亦每觸岫延
賞傾瀉懷煙而人士多嘖嘖飛鳳山之奇其言曰山之高
森峯限日峭壁爭霞俛瞰城郭猶匹帛之繞叢花險逾縣
度累梯乃升下則堊雞河清流見底游鱗可數沙如霜雪
石似莠菹架木爲畧徇通之蘭芷被徑送馥懷芬榜曰眾
香國高僧某卓錫時之所顏也玉皇閣倚雲結構渺如仙
居梵響凌虛遠山相奩轉側十餘峯丹崖翠嶂點黛飛瓊
石罅中瀑布激素灑清如委幅練數折入河聲猶雷轉循
崖東而左仄徑難登緩亦須翼攀尋葛乃躋絕巔其上
眞花不落古樹恒春岫挂松釵岑交竹影流風叩阿宛若

養素堂文集

卷七

七

彈絲自下望之澹冶如笑蒼翠如滴明淨如糍慘淡如陞
四時之景豁目頤懷又風胎雨霰戲弄羽毛飛狃栖鯉乘
煙歌唵信可以韜軼笙簧跨躡管籥弓耳之神思飛越覺
風麻玉筇恍遇目前急欲遑游以盪吾匄會差至不果輒
形夢寐後勘地丙谿途次堊雞坪去山里許見層巒疊嶂
中一峯高聳旁有兩山夾峙如鳳舒翼憬此山之得名不
誣也爾時船雲彭澤陵雨瀆流路淖而濇又不得往游以
探勝恍如海上神山可望而不可卽然予有濟勝具俟秋
高腴涼餘畝稍退終當陵最高峯造幽峻看博芙蓉之石
調鶴柜格之松聆風泉之虛韻翫巖桂之清香不使子平

獨精物隱也聊記此言以爲券

游白雲山記

廣順州東四十里有白雲山層巒疊嶂如渴驥奔泉至此而止白雲齋峯頂陰晴皆見爲建文帝荒遯之所上有羅永葦葦前古杉三株長數丈其一經帝手摩至梢無附枝又有跪井舊無水龍神爲之涌波恆雨不溢恒暘不涸時有雙鯉出沒其間取水者必跪汲乃可得云余於癸亥之二月攝篆斯州暇日命駕往游欲向寒煙蔓草問卓錫之遺蹤至則鹿苑積齋濫泉息脈林雅空噪巖磬無聲惟嶺上白雲尚依依似舊也道旁臥一石碣鐫帝詩三首係州

養素堂文集

卷七

五

牧韓之屏所刻其中牢落西南一詩作於滇南後二詩作於羅永者彙刻於此則韓君之疏也余旣剔蘓讀之遂策馬歸歸塗少轉有蒼嶺橫亘挾雲欲飛懸崖青石如婦人回首顧盼簪髻宛肖相傳有神姬每夜至帝所服役後被人覩歛化爲石又有沈潭澍渟淠澗碧無波相傳帝昔經此忽一靈犀躍出跽伏道左若聽驅策者噫鳥翼庚辰虎乳鬪班金狄灑淚泥馬騰波蛇衛顛頭之墓燕填臨江之壙神獻管涔之劍龍春寄奴之藥推詳往迹則影徹經史攻驗真怪則叶符圖籍雖辭趣涉誕而音旨非誣矣旣作此記復繫之以詩

游羅睺山記

必欲陵丹丘以款羽人汜滄溟以窺龍伯始臣窮山水之
觀則見亦同于拘墟况牒訴倥偬敲撲喧囂而效靈運之
聚從通道安石之攜妓娛情則于民事必有不暇爲謀者
昔人卷簾白水隱几青山之詠真有味乎其言之也銅梁
邑東五里有羅睺山余履任後公事稍簡筭將游焉前爲
聖壽寺由左而上唵巖甌錡峭壁駢駢碧篁翳景蒼松拂
雲行五十弓所乃至東巖寺懸崖矗起珣鑄佛像架木爲
梵宮再進爲臥佛巖覆以脩廊右轉渡石橋爲東嶽殿踞
山之臯前橫巨石如屋有宋紹熙時刻上多苜竹勁根坳
養素堂文集卷七
去

石不生而生後則盤陀隆起履磴而上阿平四徹前人建
亭遺跡尚存則拜雨臺也西瞰城郭蜿蜒起伏跨岡包谷
南則巴嶽桀峙疊秀干霄壑氣嵐煙變幻作態北望則遠
岫繇濛橫列如案飛鳥翻翼時沒林杪返至養和軒余所
新作也疏櫺四啓清風入稔鷓鴣之聲圓亮悽切扶光穿
林綠影在地酌贊夏披師春殆忘乎簿書之劬錄矣嗟乎
裏糧五嶽鼓櫂三江早償向平之願不讓志和之蹤而乃
流連於此者非效泉石膏肓煙霞痼疾之爲抑以峩峩峯
楮祁連金液欲踐約于侘季也

錦屏山在縣之北周圍五十餘里高聳橫峙如屏然縣因以名樹木蔚蔚流泉潄沸曠如奧如鍾孕蕃滋昔時人文淵茂顧彥迭產附近諸鄉資其水源灌溉田疇民生以裕有泰洪寺僧覺清窺見深邃利其繁殖私建刹宇規圖侵占福延洗油兩合之民因水涸控縣斥逐後仍竊踞焚林開墾殆無遺土邑紳士稟請前署篆牛君履勘定界詳府去案余卽任之二月出示嚴禁盜伐查明舊蓄杉竹若干捐廉栽杉樹三千招僧從守護於禁左右居民不得越畔暇日單騎遑游未至數里眎之赤壁赧駭列若城墉入其中巖巖沓巒幽壑回互喬松偃鶴清篠鳴鸞去泉濺玉以養素堂文集

卷七

七

垂紳曲瀨霏煙而歛霓轡顧遠望衷衷者久之從此雨露涵養坤媪效霽姑櫛干霄脩篁鬱蒼不獨延賞邕禎擅一邑之勝概而官府風雲懷吐川渠亦大有賴于蒸黎也恐歲月塵邈奸民覬覦爰述端末采石垂遠山之界北抵泰洪寺黃文貴地西抵泰洪寺地南抵學田聶廷相宋國松張之楷地東抵羅光燦楊世淳楊世振地於刻條款於左經理紳士姓名於碑陰

修西寧堡記

西寧汛去縣治三百里許與雷波毗連涼山猱夸時出劫掠斯地爲必由之塗掘壙焚室剖媪劊兒惟斯地首被荼

毒而乾谿茶壩以次受其繹騷雖屢徵兵勦戮糜膊披肢而夸性生獠姦猖鈔鑿頻歲有聞又窟穴深邃蝮蛇豺狼叢伏肆孽菁林隱翳追竅無蹤聚而殲旃不其難哉計惟有以守之乃克禦之故守邊之術李牧善算保塞之論嚴尤奢要古人築魚澤石門之障置烏壘支就之城其控北狄也有然余謂治南夸亦當如是西寧舊有城淪瓠多季僅存垣址邑之人怙懲後患思有以固圉而土地瘠鹵素渺殷殿且蹂躪屢經日形蕩析監生祝世鳳忼達有識隱憂未然乃募眾捐脩得奩若干計時數月而城堡大焉其把總廨署兵丁舍宇靡不完繕可謂有功桑梓矣余蒞任養素堂文集卷七

六

之二季夸人自化林羅三谿至東寧烽火相望乃刻期選從給銃矛發餼糧往堵旋卽退去幸無擾我疆場從此邊城晏閉牛馬布野父老綏帶稚子咽哺共安耕鑿之天不知風鶴之警苗且舞羽城可不葺是亦守土之厚願也是爲記

修迴瀾橋記

沐川司去縣治二百里而遙所并谿去沐川三里而近谿舊有橋殞圯者數季矣駕樅以渡塗旅病之每值大雨時行山潦鴻發往來迷津望泮裹足余履任後頻過其地睇畧約之支離憐揭厲之槩黜損俸倡先我民助臂無蝕無

窳戒飭董事薦石駿佗不月告成長虹臥波銜繇砥平在
昔薛惠宰彭城鑿缸濟眾崔亮刺雍州攻木利人幸皆畱
心輿梁克符仁政若李公勗造七星灌乃田耒王周見覆
租車引爲已過雖古烈之難期實余膺之所服也爰紀始
末以詔來者

安濟橋碑記

什葛營而南有下谿連山縈迴峭壁巉絕巨石崩落深壑
黝冥其水承東興團魚瑪瑙諸谿積波較轉駭浪靄殷湍
激之音喧巖傾地負筭褰裳者至此望風謝路羅生廷謨
翔實敦竺嗜義首公愾涉者之病爲濟人之舉勾工伐石

養素堂文集

卷七

九

听夕董佗遂險劓狹超涯截壑糜金五百有奇歷六月而
橋成焉嗟庠雨畢除道辰角昭回水涸成梁天根灼見後
世惠人政廢從缸不修斯單襄薛宣所爲浩歎也羅生此
役補有司之不及爲坻咨之所難人不必川游徑踰路自
覺矢直砥平蛟龍伏幽星象瀉溼跨虹連岸浮鼉續航亦
屏邑之壯麗者與余爲之名曰安濟而記其緣起如此

修靖邊樓記

去縣治二里所有望龍山之岬置關曰龍關俗謂之東
關也舊有樓淪褫日久梟桷靡存余於簿書稍暇捐廉修
之觀其巖巖霞起壁岸無階隱曦削雲翼佩江膺水脈漂

迅曩怒震霆路不容軌牛叩馬搏石乃累獻魄斂神驚極
良坎之形勢矣昔法孝直有言魚復捍關臨江據水實益
州旣福之而予謂此關界限滇蜀控制都奄亦戎瀘之屏
障也登其樓眠葭矚之鑄監職繩若之源流指昌意之芄
野眇隗相之平石尋葛相之古渡弔姚岳之戰壘亦將幽
情瀆涌壯思峻嶒豈徒天水長笛歛麾一聲東陽乎暢妍
抽八詠哉工旣竣銘諸石復爲之記識其甲子時維嘉慶
焉逢淹茂涂月之庚申日

登多寶塔記

晴雲摩絮暖日生煙波綠水喧峯青山笑尋芳草而蹀馬

養素堂文集

卷七

三

攜雙柑以聽鷓此其時矣多寶寺者唐宋古刹也鼠跳敗
瓦鴟嘯摧梁樹禿如鷲僧窮似句伊蒲簞冷梵唄音沈山
空谷靜兮絕晨鐘花落鳥啼兮寂莫鼓蒼苔落碧蘚兮無人
到寶地香城兮又曰荒余偕少尉蔡雲往游焉語燕隨旌
春風護幃岡曲桃開谿橫柳臥泥滑石路炊熟煙邨童空
聚觀苾芻導返至則踞磐石而憩之蜀筍堆盤巴清瀉瓊
垂虹倒飲吠犬斜窺漫說覺皇縱譚脂幣三明三昧六趣
六根神耀無師檀特證道二菴瑞雨三菴劫灰蘭閣廢興
羅刹漂墮妙義破銅鏐英詞排鐵圍蔡子聞之幾至眴顛
遂與褰衣袂躡燈梯炬火龔童僕掖盤蝸緣壁偃歸攀枝

透迤十一層髣髴三千界已造多寶塔之頂矣診諸殘碣
建於乾寧壬子脩於紹興壬申殆千餘年雄峩如故菩薩
低眉金剛怒目青蓮獅吼紫竹鸚飛難陀呪龍迦葉馴虎
竭宮妙質盧舍真容瓔珞垂光寶珠漾色蓋法象如是其
精也則有寶幢卍字貞珉梵文曠目利那驚心阿鼻慈門
瞻仰福海鄭斟證最上乘生極樂國欲求果報用是檀施
是爲瀘南安撫使馮大學施錢之碑昌州玉谿井劉傑夫
捐鐵之記由是遠望烟霞往來林泉左右崇巒聳階復澗
縈迴耳聆天言背決鳥背朝棲羲駕宵駐娥斂法雨飛簷
恆星耀拱颯吟鳳鐸霓綴蚪幡軒皇城樓阿育窣堵此亦
養素堂文集 卷七 三

可以厠之乃牽連而下復爲北山之遊路險蟻封徑通鳥
道泉聲殷地石色遮天聖跡畱崖佛影在水毒龍驅霧醉
象掃風八萬仙人毗耶布路十千天子帝釋來朝迴視浮
圖如在空際也

新繁縣王虎臣明府重脩來薰橋碑記

昔秦昭王時蜀守李冰穿二江而鬥牛磴田溉舟通乃鑿
石犀厭水精築金隄防波衍蜀于是成沃土乃復上應七
星佗橋以濟行旅所謂南江橋者後名安樂萬里橋者亦
曰篤泉市橋卽延岑敗吳濠之處若昇仙冲里雁犀筐繩
皆箸見于舊史新繁本濠之繁縣季濠延熙十年改爲新

繁晉太康地理志云沱在繁縣蕭廣濟注江賦云江觸玉
壘山東爲沱或謂卽禹貢之江沱者非據遠書溝洫志亦
李冰所鑿水經注云文翁又穿湔洩以溉灌繁田千七百
頃卽今由灌崇二縣逕邑城南又東南入新都金堂而注
于岷江者也乾隆三十四年建有石橋至四十四年冲毀
五十九年重修屆嘉慶八年淪禡九年復修抵十一年又
傾陀每值夏秋之交波襄四陸行者望洋渡以小泔淪胥
弗免甚且牛馬不辨積岸橫舟王君文炳履任之二稔毒
育淳樸鋟剔蠹奸民大覺藻爰集紳耆而謀之僉曰良善
乃相地勢召夔匠采堅斲樂輸之衆比于慕黉董督之人
養素堂文集 卷七 三

罔有嵒窳費將萬金閱四月而工竣焉靈螭負砥長螭飛
梁瀾鑿沙明雲鋪虹臥信乎鞭石不忤村畱永潛矣嗟序
崇隴尹雒陽委輸流通尙賴卑國降監之協贊崔亮刺雍
州億兆利濟而得長浪浮木之奇恢要皆不安謔諉克符
仁政也今君之爲此橋也其非周禮司險知川澤之阻而
達其道路之遺意乎

脩單石鋪旌善橋碑記

今以大行王屋之山舉而擲之勃海之尾此河曲智容所
竊笑也而愚公能移之今以浙江錢塘之潮驅而注之西
陵之岸此靈胥天吳所稱雄也而錢鏐能射之是天下事

固罔有難焉者也然而有難焉者折秋蟬之翼埋之游蟻
之埤而童子不爲抽穴鼠之肝登之函牛之鼎而灶夫御
步何則名所不在亦利所不存雖鉢之使前將廢然而返
矣唐生宗舜內江國子生也翔實敦篤輕財樂施有古人
風其生平豪舉難更僕數而廖子一鼇實佐佑之蓋其見
義必爲自性然也往者榮昌縣吳家場之萬古橋積陀久
矣而廖子募得數千百緡歷六載之勤成虹梁之觀至今
人頌厥平焉余署大匡之歲暇日廖子偕唐生謁見請曰
匡邑東九十里而近有單后鋪爲驛路通衢有小安谿源
出玉口山下流逕永川銅梁二縣界至合州西南入涪江

養素堂文集

卷七

三

舊有橋甚庳小每值大雨時行山潦衝溢波襄四陸吏人
望泮植望竿設漚筒以傳文報蓋亦勞止今者善政遠聞
鄰封景慕宗舜願捐錢數千緡別建大橋一鼇願助力督
董其事余曰有是哉二子之嗜義也夫人坐擁厚貲世躋
粵廡靡衣媮食呼盧百萬宗族飢寒噤不之卹此世風所
以日瀆也子乃能視蠹蝸如塵埃拚陷溺于衽席以補救
地勢人力之窮可謂獨爲所難爲者矣儻其終勉之二子
告退卽鳩工伐石昕夕從事爲橋高三丈長十八丈寬二
丈爲洞三而冷貢生玉燧偕族人以店房讓爲橋基鄉約
陳爾訓亦撤屋焉皆激于義者也蓋爾十又一月而功始

竣爲紀其顛末令鐫石垂諸久遠以旌其樂善利濟之美
遂以名橋云

大足縣脩東郭虹橋記

余足跡半天下凡游歷之邦見陂塘浚濬橋梁整飭卽意
其有司吏治之脩心竊稱善前在屏山任時于境內病涉
之處相度地形踵司險故事于下谿建安濟橋于所井谿
建迴瀾橋于結髮壩建鎮螭橋皆戒飭董事者無蝕無窳
僝工旭卉俾民免揭厲之虞今來署斯邑有監生劉增前
請曰東關之有橋尚矣父老言建自明末厥制甚庳狹洎
本朝乾隆十八年鑿石厠而高之上駕木立亭子迨二十
養素堂文集 卷七

十四

六季遭鬱攸以毀遂卽補葺今

上嘉慶之十八年秋水鴻發淪于波臣往來裹足目者心
惻增乃募金重脩橋因以立計橋高二丈六尺有奇長十
八丈寬二丈五尺有奇爲洞五上建亭三十間以憩行者
高二丈六尺有奇亭上樹樓祀神以祝鞏固費錢四千餘
緡經始于二十二季至二十三季春乃蕙事今又于上河
脩小石橋以優鄉邑之人往來于下河築堤堰以遏水勢
皆增昕夕董工幸而告成也其涼亭店房每歲賃租六十
餘緡付九廟首事生息以爲修補費敢祈文以示久遠余
曰此守土有司之所宜從事也而生能蠲沒章度以蕪于

成殆可謂首公者矣遂書此貽之勒石以嘉其嚮義之誠
篤云

養素堂文集

卷七

五



此書可謂首公者矣遂書此貽之勒石以嘉其嚮義之誠
篤云

養素堂文集卷八

荃威張 澍介侯

記一

南谿縣修文廟碑記

稽自麟書吐後道衍素王天秩人倫萬古不夜降及列國
羸秦角力膠庠遂廢仁義爲桎梏詩書爲灰燼聖學殆歇
絕矣漢興崇儒幸魯牢祀太學槐市子衿莘莘褒成封侯
厥廟以立歲時修葺重于甘棠觀鍾離意之獲璧知非刳
于永平或謂始自梁天監者妄也我朝

列聖相承

養素堂文集卷八

文德誕敷景邇鴻鑠暨教重熙凡聶耳奇肱之區拘纓歧
舌之國莫不束髮襲帶弭志黌宮益州之都會昌建福井
絡躔曜江濼炳靈文翁揚化舊存后室蹟斯古矣南谿爲
叙郡屬縣城北鳳皇山勝朝建有

聖廟屢經兵燹鞠爲茂草迨乾隆己酉徐令簪地肇遷城
內厥基隘迫又隣躑市歲月遞嬗又將榛蕪毗陵胡君蒞
此蠹剔利興封葺晏如乃布絃歌戶比鄒魯釋奠之次仰
瞻榱桷俯眎几筵心焉契軀思欲新之至己巳時和年豐
人士樂業爰釀金相地揆日庀材于昆冬鳩工迄辛未夏
告竣樹適攝篆此邑釁鐘落成猗禕哉義堂宏敞經緯紆

縈重巖霧宿榮題風清依倫聞絲竹之音髣髴執丹漆之
器鐘律訇訇盪絜調絜誠足以棲止神靈丞丞金石也已
興文縣修文昌宮記

戴匡精禋廣堪皆是金鋪玉域煥若神居良以反暝離宮
典宰秩命聚精揚紀天象炳然也獨興文界在蜀裔賓楚
穴叢婁劃樸僊靡有閔宇祀典闕如乾隆三十九年縣令
潘敬蒼因會有儲資囑監生后游宏契地立廟奉薦血幣
嘉慶六年

制詔天下州縣皆建宮用享以祈厯釐邑令路雲瞻念基
趾庠陋臚牲牢縣鐘簾局無隙地不足昭誠恪也遂庀材
養素堂文集 卷八 二

起殿式廓具瞻工未竣去十五年楊令迦懌履任以前方
嚮未協懌改修之捐乃廉俸簡貢生后銓廩生張廷拔生
員蕭應智董督其事旋以泉布告匱復令貢生童雲涵等
募眾襄助洎余署篆已閱五稔矣而土木始畢雖未能巨
麗廣敞而棗稅端直俎豆隣瑤廡廊豁閭奎閣嶂隗亦足
以享靈祉而薦絳繆已余嘉諸子之淑時日以經營累銖
錙而擘畫訢識顛未鐫之石以垂焉奕

玉屏縣脩文昌宮記

今

上即佐之四年九塗榮鏡六幕同文猶復崇儒重道加意

菁莪爰允儒臣之請於畿甸首善之區建宮以祀文昌仍沛綸音飭十三省大吏董率所屬於府州縣各建宮虔祀

頌祝告之詞用安神靈凡以誕敷文德樂育子矜潛化頑悍躋治淳熙之至意也歲壬戌余履玉屏任視事後簿書稍暇巡覽郊坰見屏山東有文昌閣敗瓦飄零殘椽傾圮將委諸蔓草荒烟慨焉興歎思有以新之以培風脈而地衝差繁供張竭蹙力弗能敷適邑紳士咸欲捐資重建且謀卜地城內以復歲時用享原任綏陽鄭廣文洪孝廉枋文學諸君造余以碑記請且謂余之不鄙夸其地而樂與

養素堂文集

卷八

三

敷祚講莪也鬻序子弟莫不爭先淬礪思執衿道德之圃按轡文雅之場儻更得昌言以啟其牖不獨親炙之不安咫聞漸有以規於遠大即後來者聞風興起順就甄甸不至侷規改錯亦所以成埏埴之志也余曰然乃進諸君而諭之曰凡人之學學爲忠孝而已忠孝根於性生而亦本於經術黔雖介在荒服文采風流遠遜函夏然溘時盛覽字長通泮柯名士與司馬相如爲友佗合組歌列錦賤知賤家之心毋斂尹珍字道真自以生於遐裔未踐庠序乃從汝南許慎受五經師應奉學圖緯通三才還鄉教授南域由是知學孝桓時尹氏以經術選用歷尙書丞郎荊州

刺史而應奉爲司隸校尉師生於顯平夸傳寶夜郎尹貢
亦有明德歷尙書郎長安令巴郡太守彭城相号南州人
士明代如馬氏心菴陳氏五粟學鑽理蝟克紹爾洛之傳
而清平孫文恭思南李少參篤學超詣鴻文經世爲時所
宗夫以獠狂之中卓然崛起功業文章流芳汗簡而微言
懿旨復有以啟後人之靈府豈非聖賢非異人任而學之
可幾哉至於精禋邀福謂可以登桂籍而膺仕版非余之
所期望也罔曰然工竣遂詮此言以記之

大足縣修孔廟碑記

粵自空桑毓聖靈降蒼精制倂握符鴻苞造化乃鯁鬥運

養素堂文集

卷八

四

阻喟感鳳嬉吾道其匏瓜矣洎赤兌龍興麟書立學乙瑛
置百石卒史韓勅造胡輦禮器猗禕哉洵尊崇素王之盛
典也益州之都會昌建福自文翁勅后室後世踵修三陽
二陰吐圖出讖炳乎其若旭大足爲唐昌州地明嘉靖乙
卯邑令唐君簪地自東南遷

聖廟於此萬厯乙卯稍事補葺迨

本朝雍正乾隆間亦復召梓程工繕其積退今

上嘉慶之三年九嬰翦孽三巴肅清諸生莘莘驥思嚙叩

有除荆獲璧之心爰於二十一年量力助金擴其舊規而

制度未備亟謀恢夏罔情鳧藻次歲卽醵錢三千貫雖开

燭弓如之樂施史晨李謙之飭治不昞過也遂鳩工庀材
揆曰伐后門闕聳如頰池鏡如兩廡豁以庭兩階峻以砥
大成之殿騫乎特起彷彿觀龍蹲之儀

崇聖之祠儼以鴻溶依侏笥笙竇之響桂樹宵窠比乃竄
檀石欄雲矩如游曲阜凡名宦鄉賢忠孝節義之祀罔不
舉卽鹿祖雷洗籩豆楸禁之屬靡不周邑人士可謂有遠
邇之思焉余來攝篆適工告竣人士伏請紀厥顛末嘗謂
孔氏之道燼于蕪秦樽俎壇坫干戈載揚元始封襄成以
光祀典黃初齋宗聖爰緝舊章經籍禮樂厥有端倪至
聖朝德邁三五微言大義燦然如新諸生果能襟佩仁義
養素堂文集卷八
五
咀嚙詩書姚姚盛服豔豔禮容卽不必耳聆盒絲之音夢
執丹漆之器庶接崑于希驥弗絕望于階天矣敬爲之記
以勛方來

大邑縣修文昌宮碑記

按天官書斗魁戴匡六星曰文星宮一曰上將二曰次將
三曰貴相四曰司命五曰司中六曰司祿春秋文耀鉤云
文昌宮爲天府孝經授神契云文者精所聚昌者揚天紀
輔拂並居以成天象故曰文昌宮春秋元命包云上將建
包曰上威芒次將正左右貴相理文緒司祿賞功進士司
命主災咎司中主佐理是貴相司祿與文事相涉青衿之

子嚮肝漚鬱爰褫屨釐詎得爲淫祀哉夫星之爲言精也
精感列宿實降生人如老子火星微子牽牛顏回中台黃
石土星東方木精張良弧星樊噲狼星蕭何昂精寧壽歲
星是也又或生理不沫反形虛廓如傳說騎箕王良振策
周伯揚輝王蓬兆福是也或者謂彖象冥眇天阿莫絕梓
潼之說涉于恢奇蓋惡子跡蜀故牒有徵反暉離宮典宰
秩命靈響赫奕一孔之儒未可輕議其誕矣然余竊有所
感者彼青鸞白馬金紉紺圍鍍鴻字如達嚙孫相輪于剡
飛豈真卓錫嶽麓味水曹谿爲傳鉢之赤髻踐沙之白足
要皆無自何充妄希梵福指出許詢精覲仙藍卽松壇羽

養素堂文集

卷八

六

士協晨鍊師託補三關實昧五練徃徃借銅靈以栖寂假
火絕以引元不過壽祈者婆爲杜靈佗觀符生徐甲貌尹
喜起樓此亦猥俗之大惑也今邑生監某人等募照泉刀
齋心將事澍力經營繫錄學回窠稅匡飭俎豆辜絜門宇
叫稟奎閣登罔足以妥靈祉而焜樛燎可謂急所當務矣
聖天子與神合莫礼重精禮

頌發祝辭歲時脩祀有司趨蹌其閒肅恭罔忒不可卜雲
濛昭回珠氣如弓人文蔚起科第蟬聯哉爰爲之記以志
告成

代蔣制軍成都府重脩錦江書院碑記

嘉慶二十二年冬余奉命總制全蜀下車後蚤夜孜孜未敢遑寧期欲澄草榻藜塋消雍且俾吏鏡貪流民衽豐蔀邊徼報平安之火鉗徒銷赤白之丸以上稱

聖天子綏輯黎元訓俗敦龐之至意竊念井絡之墟會昌建福在炎濊世瓌才駢羅經學詞宗方聞執術溢于道將之崑陽芬于承祚之耆舊信乎其炳靈載英也今則綴學之士舞追王壽章土柳津陽城衡之樂經范長生之易注杜叔和之詩題郭舍人之爾雅眎同覆瓿罔能甄綜爲問長卿值時子雲繡補允南然否衷俟其平且有不能舉其

養素堂文集

卷八

名者蓋經學之廢弛久矣余以爲擾柔民氣必淵茂士風儻指歸邁德之學不講則寡廉鮮耻之俗不除急思拓覺序進青衿與之振發新機祓濯舊染以紹赤兌之名賢適成都首郡暨各府紳士以錦江書院門徑紆曲體制未協合辭公請冀欲改脩爰即允准捐廉程工而學使余君慨分清俸司道及各屬吏咸欣貲襄事遂移府學於東書院之門曩右趨者改作於中以端其向凡講堂學舍賓廨該室皆整飭登闕煥然改觀焉考諸圖志即文翁石室舊址也當日者下縣子弟招入學官爾敏之吏受業博士飭厲誘進齊魯比風厥後文參增舍高映鐫柱禮殿賴以永存

洎宋時蔣堂韓絳王剛中范成大輩亦復建西學廣齋楹
延廬江之遺緒何期明季兵燹蕩焉灰燼我

朝戡定寰域益部救盛持節諸君皆隨時繕葺加意陶甄
仰體壽考作人之化今茲新厥精舍益乃廩餼人士褰裳
鱗萃非吾道昌明之會與嗟虐張收畫像宋恩題名杳不
可復覩矣諸生果能折衷六藝含咀百家循莊遵忠孝之
譚守李宏金石之志觥觥其氣抑抑其儀騁白鳳之雄才
洗碧雞之浮藻漸摩觀感激厲涵濡儲爲國家棟梁之用
則翟圃楊終之學術馮緝王阜之事功來軫自適前蒼可
繼若徒取誦說爲也彼客嘲僮約篇章俱在德釗席益后
養素堂文集卷八

八

經不存學爲梯榮文爲釣利仁義枉楛道德橘櫟豈余期
望之本意哉

馬邊廳建蓮峰書院碑記

於戲自先王經學造士之法弛聰異者沈溺于旁行敷落
而不知返其淺者役志夫詞章文字不復寤爾心葆真之
道矣自循吏董重儒術之政廢勤能者殫慮于催科簿書
以希上考其陋者竭力爲突梯脂韋不復知佗人養材之
理矣即使地處殷英材相望講學之舍橫術櫛比亦且
愍置弗顧誰能向狂獐賓麋之鄉與之啟詩書說禮樂哉
惠君撫馬邊之日以土俗椎結婁劃左言悍盪不文思

士風以柔民氣乃集眾爰咨爲書院之修旋受代去喻萬
二司馬先後釀金相地而板築興焉迨談君至規制粗大
即延師訓迪皆所以成君未竟之志也今君復來茲斯邦
童子竹馬而迎郭伋父老鳩杖而觀劉寵其遺愛在民也
如此君仍捐廉重葺堂廡恢廓子弟莘莘絃誦比戶異日
者化行俗茂願彥雲蒸白鳳才人兼通彥理碧雞主簿亦
号經神可繼文翁之飭厲不羨稚子之善誘也已

代荆修蓮峯書院碑記

昔漢文翁爲蜀郡守仁愛好教化選吏開敏有才者遣詣
京師受業博士又修起學官招下縣子弟以爲學官弟子
養素堂文集 卷八
由是大化蜀學比齊魯焉馬邊地居荒徼自乾隆四十六
年通判魏君廷覲詳請設學文廟文昌宮洎奎文閣以次
脩理獨書院闕如嘉慶十六年

制詔府州縣未有書院者悉令添設以廣教化時富平惠
君署任翔實首公即以脩舉爲念集邦人士酌議已有崖
畧矣旋受代去喻君曰泗繼之募眾經營以疾終罷十七
年萬君春權篆捐俸百金爲倡共計釀金陸百餘兩遂券
置城南丁姓地一區前對蓮峯遠去塵囂爲書院之基而
貢生楊藝林等復捐山地一處計每歲獲租貳拾餘石以
供膏火之費而規模粗大矣十八年談君林履任之次年

延請山長考取生童肄業其中復捐俸繕治房宇以馮勤所捐瑪瑙場店基及各鄉場斗秤課息歲收租銀肆拾餘兩撥入書院以助束脩膏火之資至二十年惠君重蒞斯邑慨然曰是舉也余昔始之諸君踵之今余將觀厥成乎又募金若干復置地以增益所需並捐廉改葺講堂廊廡門壁塲堊采繪焉規制于邑大備徃歲先大父璉友教於茲羨是邦多英俊今旣得賢司馬爲之栽培更得明師爲之誘掖獎勸以經術啟迪從此人文蔚起崇實黜僇匠成翹秀鬱爲良材上膺廊廟之選下作里黨之式豈不懿與

大邑縣脩棠香書院記

養素堂文集

卷八

十

士人束髮受書動言學古問若者爲七經十一經若者爲七緯九緯十五緯則蒙然且若者爲大經若者爲中經小經則又瞠然遑與之譚三皇內文四聖秘旨哉昔人云士不通經果不足用然則通經學人首事也今之士亦講經矣耳食宋人不根之談奉語錄爲寶符輒斥鄭康成爲庸妄孔穎達爲粗疏安知兩溘儒宗師友授受專門名家各有淵淵不肯輕改師說如誼繫之一定不可易暨三唐文人耄士亦復孥鑽訓故通典函雅不同勦說如王勃之易發擱成伯璵之詩說薛仁貴之易解其顯著也士不通經一旦筦朝政必坳會穿鑿病國殃民卽發爲辭章必鬼瓊

枝離讐言兜物豈非世道人心之害哉大足爲唐昌州地
歷宋元明洎國初時有登科第者究無卓聞之願儒近數
十年來並鄉舉者絕響豈今昔土地之殊與抑以教化不
興士安樸僿靡所師承雖有資性穎敏者曰不覩經史耳
不聞講授株守學究心如廢井聰明錮蔽皓首無成良可
哀也邑舊有棠香書院前任和君隆奎所脩捐廉買田畝
亦有好義施入者每歲收租爲束脩之資然延師到館匝
月卽歸虛糜金錢終歲曠業此文風所以日敝與余自六
月來署此篆值大比年士子赴秋賤念歲入甚尠以濟田
餘款錢八百餘緡歸入書院從此束脯優厚冀得堪經師

養素堂文集

卷八

十一

人師者以訓迪並給諸生膏火俾有激厲異日或有端士
茂才出其間亦守土之幸願也遂飭齋長黃性周劉宏洲
等脩理講堂書室整齊潔肅青衿絃誦于斯揖讓于斯變
嫖劃之習成鄒魯之風其尙勉副余期望哉

重脩瀘谿縣鶴城書院記

古人有言士不通經果不足用然則窮經之要其在于致
用也謀矣式觀兩遠經師家法相授如丁寬之明易而知
兵王吉之善詩而諷諫王延世之通禹貢而治河患劉夏
生之知鴻範而說菑異雋不疑之熟春秋而斷疑獄非猶
夫後世之繡槩悅而拾香草也瀘邑爲山國士習舊稱淳

樸余履任之日詢所謂書院則敗瓦殘椽風雨不蔽盡然
傷之急以庫存罰鍰囑傅林二生脩理之去盱江之名而
顏曰鶴城紀實也時值大比諸生尅秋賤予亦以漕事晉
省比其反也歲聿云莫乃錄取生童若干名延教諭甘君
主講焉嗟呼以予之舟車南北必載書甚多屢爲弦唐子
所怪卽一行作吏敲扑喧嘩牒訴恹憊而此事不廢未必
仕優則學優則仕蓋深愍光陰易逝經術不明而尤媿
未能致治上理俾四境之內彊號輸情善良安業盜賊屏
息陰陽協和是仍爲有體無用之學也諸生讀聖賢書抗
心希古力圖遠大而於制莪試帖之末反不能精此固獵
養素堂文集 卷八 七

葉之風不如聚沙之雨毋亦因陋就簡不思淬厲以底于
成乎願諸生勿憚焮掌之勞糞心之苦闢經苑啟史笥引
之以道糾浴之以學海何遠不爲文囿之鳴鳳菽圃之靈
芝哉夫朱穆忘食而窺編公孫牧羊而習業黃霸請室而
問難盧植戎服而談論前喆勤劬當不我欺今紀垣梓之
竣功輒述儒林之選事以爲諸生勗尙其羸沒孟晉無弁
髦予言是爲記

重修大足縣龍王宮碑記

邑界榮昌永川銅梁安岳之閒單椒小嶽無高山之蘊蓄
曲澗淺瀨無大川之滙疏土壤不爲膏沃糞種不爲劬錄

而歲多饑斂不虞饑饉民飽長鎗不愁早曠者由雨澤之
及時也嘉慶之二十一年女媧爲虐當康不來苗禾如焚
泉澤胥竭農眦輟鋤咨嗟無年邑令趙君憫民之將毛食
也禱于東門外之龍王宮冀得甘霖以蘇羣命旋即沛然
合境荷神之嘉貺也忝相告語謀新厥廟以酬普淖趙君
飭監生劉增爲首事募集照貲恢廓靈璫軒豁胥飭稱漚
鬱焉余于戊寅之六月署篆斯土入其境火雲燒空罽田
龜坼詢諸父老不雨者六旬矣時事後即設壇步禱昕夕
靡寧自陳無狀默祝有秋豐隆大出以將其雨地乃不赤
天實至仁豈余誠之至誠能感哉邑之人宜何如豐融胥

養素堂文集

卷八

三

嚮以仰畚神庥耶茲因劉生之請爲文而紀其靈應且爲
迎神送神之曲以侑之其辭曰

神之來兮如雲洪頤舉兮飄翁風伯翼從兮雨師驩欣電
母熠耀兮雷公盼礮薦肥豕兮旨酒芬雲黔霏兮蕭煙焄
神之去兮如焱商羊跳足兮焦明羽儵東海之童兮青驄
驕阿香車推兮藥師瓶搖山之髮兮瞬不焦歲其有兮民
歌且謠

游北山記

嘉慶歲己卯正月初五日余卸篆無事聞北山有佛灣瑯
鐫法象儀態倣詭意或有殘碑斷碣沈霾于蔓草荒煙遂

往尋之出北門二里所路漸危聳有后燈古道似歷年無
人行者又里所造山梟見峰巒層疊洞壑窈窕巨石拔地
如樓屋饒觀音彌陀金剛諸像甚奇壯山胛中開一綫路
兩壁悉雕西竺諸佛尤甚精巧其巖左峭壁赤如霞駭即
而眎之乃唐乾寧二年金紫光祿大夫檢校司空使持節
都督昌州諸軍事守昌州刺史充昌普渝合四州都指揮
靜南軍使兼御史大夫上柱國扶風縣開國男食邑三百
戶韋君靖建寨之碑軍事判官將仕郎前守靜南縣令胡
密纂文其文自後而前與梁相孔耽神祠碑同意其爲梵
氏之學者雖有駁落大率可讀蓋以乾寧壬子歲春正月

養素堂文集

卷八

古

于龍巖山建永昌寨碑言築城墻二十餘間建敵樓二百
餘所又于寨內西

缺三字

翠壁鑿出金仙又言施

缺四字

舍廻

祿俸以建浮圖乃知天人諸像並白堊皆始於君靖也循
巖而北邃洞恠石千百其狀所鏤天王菩薩羅漢亦千百
其形有乾寧三年四年造者有王建永平時造者天漢時
造者有孟知祥乾德時造者有孟昶明德廣政時造者有
宋咸平紹興乾道元祐大觀淳熙淳化嘉泰時造者一洞
甚空濶就山刻碑形乃上柱國天水郡開國侯食邑一千
二百戶食實封三百戶贈右銀青光祿大夫謚懿簡公趙
瞻神道碑纂文者爲左朝散郎試尙書禮部侍郎兼侍講

范祖禹書並篆額者爲左朝散郎龍圖閣待制知永興軍
府事蔡京字極秀嬾饒勁挺之氣洞內外后壁刻古文孝
經二十二章字徑二寸許循巖再進有后壁巉削高十餘
丈刻文殊詣維摩問疾像像下截稍有磨泐旁題字均無
損蝕其佗游賞題名者或文字全存或僅存半不復覩縷
矣復沿山紆行至白堊寺塋建山椒高二百尺周圍廣六
十步切瀟摩雲飛鳥不到爾時埜煙漠漠暝色迷雅林樹
蒼茫畧辨邨舍俛眎城郭形如盤蛇乃緣石梯下于峰廻
路轉處鑄大佛二尊高與山肩雄偉不常下輿步行復有
石洞鑄山神像醜如村雷迨返署聽譙樓鼓聲已初更
矣

養素堂文集

卷八

五

前游寶頂山記

久欲躡寶頂山巔尋幽探異問毗盧佛之遺蹤以牒詠倥
偬未暇捫壁旋因涔醴隴月路甚溇淖不僂肅驂乃雷鼓
北巖宣陽排陰天乃暝霽于十月十八日載塗焉出東門
十餘里漸折而北路漸良坎將至寶頂山五里許有孤峯
斗絕在外鑄白衣觀音像上鑄小佛三尊懸崖覆之遠望
西北諸山如狻猊蹲踞伺攫行人及抵山隅路側有后屋
鑄林林央央狀生獯堪當轉而東至山門門外大后池方
圓三畝許池中左側豎一碑碑左右石上有雙足跡大如

箕惜水深不得至碑所摩挲整衿入則石坊高峙橫書西
竺仙境四字循階上內爲韋馱殿再進卽維摩殿像極莊
嚴令人祇竦再進爲觀音殿由維摩殿之右而行有大寶
樓閣卽寶頂也內藏毗盧肉身閣三層以石砌成下層鑄
達摩中層爲迦葉上層釋迦周圍鑄經筒以佛像閣後石
壁下截鑄八字大如斗僅存末大寶樓閣四字由右側陟
石級而升高丈許爲平臺建石屋亦高丈餘自東壁抵
西壁長三十步後壁鑄小佛數盈萬凡柱梁椽椳闌非佛
者或向或背或坐或臥或行或立或曲膝或伸臂或瞑目
或歡笑或悲感靡不生動曲肖所執香花寶珠鉢鉢纒絡

養素堂文集

卷八

六

之屬亦復精巧寡倫西壁多鑄女菩薩像東壁上鑄毗沙
天王像怒氣鬱勃陰森逼人旁鑄佛數百妙麗端嚴天人
俱足屋檐外左側有毗盧石庵左右壁外均鑄佛又鑄天
神彎弓拔劍禽祇極威猛之狀庵後壁外畫寶塔圖上
鑄佛橫書釋迦舍利寶塔禁中應現之圖十二字佛下畫
寶塔像旁刻嘉定十年僧道權記敘事雅潔有體庵前檐
橫刻毗盧庵三字庵之下有石洞內鑄佛像門前立二力
士手執杵鉞怒目可畏右石壁亦鑄二力士像厥狀復慈
良喜色可掬由觀音殿右出沿緣而上約十弓許爲聖壽
寺寺踞山頂巍峩宏敞老松幽篁宗生族攢殿中塑如來

上有樓木刻曉山和尚臥像俛眎羣峯羅列環拱如小兒
孫洵此山獨秀矣寺側石佛數十立叢茆甯悉斷裂土人
云係張獻忠所毀東南小阜有白塢下狹上廣無頂土人
云國初時飛至瀘州爲鐵索鎖住不能飛來矣乃返禪堂
少憩出山門折而西百許步至佛灣縱觀右巖腰鑿猛虎
下山勢極奔逸折而東巖高百尺鑿龕剛十尊三世佛三
尊各高五丈許有轉輪佛口銜奩輪霞光萬道狀極雄偉
少進孱顏橫鑿寶頂山三字末署銜朝請大夫權尙書兵
部侍郎兼同修國史兼軍錄院官修纂杜孝巖書下鑿
大佛尤爲奇特頂上圓光配藜于厂際再進則爲千手大

養素堂文集

卷八

七

悲殿慈憫之懷溢于眉睫眞鬼工也杜觀壺畫所不到稍
轉至巖曲鑿睡佛首大如屋身長九丈旁鑿弟子十餘向
佛若悲泣者又折而西至北巖爲九龍口有九龍口噴清
泉飛灑益壽始生之兒流于方池九曲入湍旁有孔雀明
王洞明王騎孔雀勢欲陵虛旁有毗盧閣像靜爾若有思
者再進則鑿佛牙六賊圖又鑿地獄變相鬼恠紛沓暨兜
率天宮諸佛拈花微笑又雪嶺鷹崖釋迦苦鍊令觀者神
游其境復返至南巖之左沿崖而西凡鑿牛九頭牧童十
牛或齧草或飲水或跏臥或倚樹或仰首鳴或控勒不可
制其牧童或用力牽拽或掬鞭或倚石臥或坐石吹簫或

延頸斜睨或相抱而戲乃楊次公得道牧牛事也山峯忽
危聳而起突出丈餘則爲圓覺洞有大獅雄踞洞口拳毛
斗尾恍而吼聲洞甚黝黯上鑄觀音文殊普賢兩旁十二
尊者儀態幼眇匪復人而周圍及頂俱鑄鸞嶺峯巒大海
波濤花鳥飛舞魚龍變幻聘盼者久之惟前巖上漏一綫
天光斜穿入洞乃辨諸像由獅子崖而西路徑逼仄鑄坐
佛巖際有若城者名魯班倉仍返自左巖口緣磴而登其
上平阿四徹建萬歲樓作八卦形簷拱翼騫勢若飛動蓋
崑山分南北二巖中爲深澗由澗底西行有大足川土人
云川亦有大足雙跡也嗟嗟予行天下徧矣凡所登覽已
養素堂文集

卷八

六

極耳目之觀今至寶頂浩眺岩壑窮睇法象則擗舌而驚
曹能始曰寶頂寺者唐柳本尊學吳道子筆意環崖數里
鑿浮屠像奇譎幽恠古今所未有也噫信矣

後游寶頂山記

前此登寶頂按巖尋壑軒豁呈露坤媪不能秘奇矣而于
殘碑斷碣未能如正平之默記成誦心甚嘖嘖歲已卯正
月十六日呼蔡少尉爲再游之舉春陰日久黔雲冑岡水
滿野田泥没人踝及抵山傾側縈迴下臨絕壑不啻歷七
十二絰之艱焉入禪房少坐飲酒二升步至後山巔聖壽
寺寺外樹石幢二其一署銜係翰林院纂修官平湖陸壘

纂敘山所原起及興廢之由其一則乾隆時邑令李德沈
潛等補修寺者返至毗盧庵庵楹橫刻毗盧庵三字兩石
柱刻佛報恩缺國大孝釋迦佛十字庵下石洞橫刻迹石
池寶頂山六字登平臺至毗盧庵後壁刻畫寶塔圖上
畫佛橫書釋迦舍利寶塔禁中應現之圖十二字佛下畫
寶塔像兩旁刻北祝皇王隆睿算須彌壽量愈崇高國安
民泰息干戈宋順風調豐稔穡二十八字又寶塔圖左右
書釋迦如來涅槃至辛卯紹興四年得二千一百八十二
年又圖側刻紀一篇末云嘉定十年四月一日慶元府阿
育王山廣利禪寺住持傳法臣僧道權謹書首敘嘉定八

養素堂文集

卷八

九

年十一月有旨宣舍利寶塔入禁庭安奉塔錦堂焚香致
敬嬪御侍臣及東宮屢見琉璃珠水晶珠真珠之異道權
爲贊其盛果也其文館閣體非山林衲子所能爲者石屋
左側有一碑額刻隸書唐柳本尊傳五字字極娟秀有曹
全碑氣韻碑文約二千餘字字極小漫漶不可讀不得時
代及纂者姓氏碑陰橫刻寶頂山常住田產碑八字文亦
磨泐右面正立一碑額刻恩榮聖壽寺記六字讀其文如
今之牒移體前半乃永樂十六年四月初十日蜀府長史
給任持惠妙告示一通中敘洪菴二十三年九月十一日
長史陳南安奉令旨凡境內各寺皆禁樵採侵占仆碑寄

宿嚴加禁約也後半乃成化十年六月十三日蜀府長史
梁能安奉蜀王令旨著僧超禪任持焚獻並禁軍民毋得
欺侵榜示一通中敘蜀獻王曾臨此寺見石像儼然殿宇
傾穢缺僧脩理令旨差百戶彭善新送本司惠妙住持以
超禪雖蒙府縣帖委未奉國恩難以護束也出至維摩殿
之右建大寶樓閣周遭皆刻佛經閣後石壁首刻勅賜聖
壽寺院等字下截磨泐又橫刻唐瑜伽部主摠拒王八字
下刻煥章商學士字下磨泐次行刻昌州字下亦磨泐旁
刻文大半消蝕就其存字釋之乃係趙本尊智鳳事實也
未存承直郎三字蓋知昌州軍事判官席存著所作者下

養素堂文集

卷八

字

橫刻八大字尙存大寶樓閣四字字大如箕旁有勅賜聖
壽寺傳燈記碑明隆慶五年任持悟朝立碑陰刻寶頂山
四字頌凡二十二句獨末二句六字係李爾先伯也爾先
康熙時舉人長壽籍遂至佛灣之左巖中閒刻三世佛上
橫刻寶頂山三字末署銜云朝請大夫權尙書兵部侍郎
兼同修國史兼軍錄院官修撰杜孝巖按孝巖安岳人
杜孟之子登慶元五年己未科曾從龍榜進士大佛脚側
有一碑刻七絕一首末題云寶頂趙智宗刻石追孝心可
取焉目成絕句立諸山阿笙鐘鱗甲事見坡詩謂爲神枋
呵護之意也署銜云朝散郎知昌州軍州事兼管內勸農

事

缺二字

江宇文祀書記雙流入崎之弟又有靈湫泉七

絕詩碑末署忠州刺史楚人戰符符斬人曾官南京戶部
司務循崖轉至北巖所刻天竺諸佛地獄變相千儀萬態
不可名狀其上刻云假使熱鐵輪於我頂上旋終不以此
苦退失菩提心凡數十處又刻云假使經百劫所作業不
忘因緣會遇時果報還自受亦數十處其佗所刻佛經無
慮百數也至巖盡處隔澗見圓覺洞仍返至南巖之左崖
口刻朝奉郎知涇州賜紫金魚袋楊次公得道牧牛頌十
九字旁刻頌云突出欄中不奈何若無繩綵總由他力爭
牽尙不回首只麼因循放者多無佗者姓名想即次公佗

養素堂文集

卷八

三

也次公名傑濡須人著無爲集十五卷別集十卷官禮部
郎平生好佛其成仙事蹟不詳沿崖皆刻牧牛狀態生活
戴嵩之圖不能踰之入圓覺洞洞內右石壁刻南無大般
若經南無大寶積經南無大毘嚴經南無大涅槃經共二
十四字字徑五寸凡四行又刻忠州刺史戰符題圓覺洞
五律一首蓋用左壁康圭韻也未直刻寶頂山三字字徑
八寸筆極清健末刻云邛州魏了翁書左石壁刻偈一首
亦釋子語有意義者上橫刻寶嚴二字字徑二尺餘係隸
書旁刻嶺南康圭五律一首題爲秋日同馮羅二齋長游
圓覺寺末刻門生馮臣虞羅如綸八字下刻湖南黃朝記

十數語大約言其父爲重慶二尹渠構木爲洞門以蔽風
雨也係正德時出洞而西有洪熙元年大足縣教諭江西
鍾敗人之碑碑敍趙智鳳生於宋高宗紹興二十九年七
月十四日五歲出家十六歲雲游還建聖壽本尊殿因名
山曰竇頂聖壽本尊生於唐宣宗大中九年六月初五日
出于桺癭中州吏見之收爲子比長修苦行明宗賜其院
額曰大轉至宋神宗熙寧間勅賜聖壽本尊智鳳持其教
亦以是爲號也旁有康熙庚午歲大足縣令史彰碑碑言
圓覺洞佛像爲魯班所造唐大中九年桺本尊出而重修
宋嘉熙年趙本尊復爲建修元明香火震耀川東歲久大

養素堂文集

卷八

三

悲像爲樹根侵裂毗盧洞爲猛虎拔木所損圓覺洞內石
鉢爲盜賊擣傷寺內正殿天堂暨僧廊山門俱遭火毀僧
性超募修之也仍返至山門尋所謂雙足跡者池中左側
樹一碑碑左右石上有雙足跡焉架木至碑所諦跡乃永
樂丙午歲正月所立文大半磨滅尋其義禁居民毋得網
魚采菱藕也舊碑言昔時有亭覆后今無之矣復循跡兩
廊見明侍御曹瓊所作碑敍卯治癸亥秋僧錄義成完公
領捧內賜水蓮觀音畫像安置雁堂爲釋弟子供侍甲子
秋九月完公駐大足與邑官薦紳來游曠以爲崖跡迥異
不在五臺補陀下也飭畢因搜藏經見數千函皆殘缺零

亂爲整理數旨命僧人于夏課之暇分類排次勿供冒嚙
將來或不至散佚亦此游之力也時夜已半明月在天寂
無人聲鐘磬時作擲豪疾書得詩二十首粘之僧壁爲異
曰雪泥鴻爪云

養素堂文集

卷八

三

目録

無人聲鐘磬時作擲豪疾書得詩二十首粘之僧壁爲異
潛來處不至殆亦此書之代也初夢已半明月在天寂
爾欲遊野煙昏命僧人于夏課之暇分類排次勿供冒嚙

